

**Послѣдование молебнаго пѣнія с акафистом перед чудотворным образом Пресвятой Богородицы нарицаемом Феодоровская совершаемое в Кафедральном Соборном Храме Христа Спасителя 14-28 мая 2023г.**

Диакон: Благословѣ, Владыко.

Иерей: Благословѣн Бог наш всегда, ныне и присно, и во веки веков.

Лик: Амѣнь.

Диакон: Христос Воскресе. Трижды

Таже чтец:

Святѣй Бѣже, Святѣй Крѣпкий, Святѣй Безсмѣртный, помѣлуй нас. Трижды.

Слава, и ныне:

Пресвятая Троице, помѣлуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помѣлуй, трижды.

Слава, и ныне:

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы

оставляем должником нашим; и не введи нас во искушение, но избави нас от лукаваго.

Возглас: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Чтец: Аминь.

Посем ектений великая:

Миром Господу помолимся.

Лик: Господи, помилуй.

О свѣшнем мирѣ и спасѣнии душ наших, Господу помолимся.

Лик: Господи, помилуй.

О мирѣ всего мира, благостоянии Святых Божиих Церквей и соединѣнии всех, Господу помолимся.

Лик: Господи, помилуй.

О святѣм храмѣ сем, и с верою, благоговѣнием и страхом Божиим входящих вонь, Господу помолимся.

Лик: Господи, помилуй.

О Великом господине и отце нашем Святѣйшем Патриархе Кирилле, честном пресвитерстве, во Христе диаконстве, и о всем причте и людех, Господу помолимся.

Лик: Господи, помилуй.

О богохранímей странé нáшей, властéх и вóинстве ея,  
Гóсподу помóлимся.

Лик: Гóсподи, помíлуй.

О Первопрестольном гра́де нашем, вся́ком гра́де,  
странé и véрою живúщих в них, Гóсподу помóлимся.

Лик: Гóсподи, помíлуй.

О благорастворéнии воздúхов, о изобíлии плодóв  
земнýх и врéменех мíрных, Гóсподу помóлимся.

Лик: Гóсподи, помíлуй.

О пла́вающих, путешéствующи́х, недúгующи́х,  
стра́ждущи́х, пленéнных, и о спасéнии их, Гóсподу  
помóлимся.

Лик: Гóсподи, помíлуй.

О избáвиться нам от вся́кия скóрби, гнéва и нúжды,  
Гóсподу помóлимся.

Лик: Гóсподи, помíлуй.

Заступí, спасí, помíлуй и сохрани́ нас, Бóже, Твоéю  
благодáтию.

Лик: Гóсподи, помíлуй.

Пресвятúю, Пречíстую, Преблагословéнную,  
сла́вную Влады́чицу нáшу Богорóдицу и Приснодéву  
Марíю со всéми святýми помянúвше, сáми себé, и  
друг дрúга, и весь живóт наш Христú Бóгу предадím.

Лик: Тебé, Гóсподи.

Возглас: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Бог Господь, и явися нам, благословен Грядый во имя Господне.

Стих 1: Исповедайтесь Господеви, яко Благ, яко в век милость Его.

Стих 2: Обышедше, обидоша мя, и именем Господним противляхся им.

Стих 3: Не умру, но жив буду, и повею дела Господня.

Стих 4: Камень, егже небрегоша зиждущии, сей бысть во главу угла: от Господа бысть сей, и есть дивен во очесех наших.

Лик: Бог Господь: во глас тропаря, к коемуждо стиху.

**Таже тропарь Пресвятой Богородице пред иконой Ея «Феодоровской», глас 4**

Пришествием честныя Твоея иконы, Богоотроковице,/  
обрадованный днесь Первопрестольный град  
Москва,/  
якоже древний Израиль к кивоту Завета,/  
притекает ко изображению лица Твоего/  
и воплотившагося от Тебе Бога нашего,/  
да Твоим Матерним к Нему представительством/  
присно ходатайствуеши всем,/  
под сень крова Твоего прибегающим,/  
мир и велию милость.

## Канон Богородицы Феодоровской иконы:

### Глас 4

### Песнь 1

**Ирмос:** Отвѣрзу уста́ моя, / и напóлнятся Дúха, / и слóво отры́гну Царíце Мáтери, / и явлю́ся, свѣтло торжествúя, / и воспою́, раду́ясь, То́я чудеса́.

**Прпев:** Пресвятáя Богорóдице, спаси́ нас.

Отвѣрзый ум разумѣти Писáния ученикóм Тво́им, Гóсподи, / отвѣрзи ны́не и на́ша сѣрдца к разумѣнию вели́чия Твоегó и Мáтери Твое́я, / да с Не́ю боголѣпно прослáвим Тя.

**Прпев:** Пресвятáя Богорóдице, спаси́ нас.

Отвѣрсти толкúщим двѣри милосѣрдия Твоегó обетова́вый, Влады́ко наш, / отвѣрзи нам утрóбы человеколю́бия Твоегó, / имѣя на си́е моля́щую Тя Ходáтаицу.

Слáва Отцú и Сýну и Святóму Дúху.

Отвѣрсто иногдá бы́сть молíтвою Илиино́ю не́бо, / ра́ди беззакóнновавшаго Изра́иля заключѣнное, / отвѣрст да бúдет и нам, грѣшным, вход в Небѣсная предстáтельством Тво́им, Богородíтельнице.

И ны́не и прíсно и во вѣки веко́в. Амíнь.

Отвѣрзшая рождество́м Тво́им врата́ вѣчная, Богородíтельница Пречíстая, / отвѣрзи

предстательством Твоим заключённый сердец наших  
двери,/ да Сын Твой и Бог наш внидет и освятит я.

### Песнь 3

**Ирмос:** Твоя песнословцы, Богородице,/ Живый и  
Независтный Источник,/ лик себе совокупльшия,  
духовно утверди,/ в Божественней Твоей славе/  
венцев славы сподоби.

**Припев:** Пресвятая Богородице, спаси нас.

Твоего плотскаго еже на земли смотрения/ да  
незабвенно устроиши воспоминание,/ дал еси нам,  
Владыко, икону Твою и Родивия Тя,/ темже,  
взирающе на оную, молим Тя:/ руководи нас к  
познанию и люблению Тебе,/ воплощеннаго Бога и  
Спаса душ наших.

**Припев:** Пресвятая Богородице, спаси нас.

Твоей Пренепорочныя Матере всечестный образ  
любвию объёмлюще,/ из глубины души зываем к  
Тебе, живущему на Небесах:/ начертай на сердцах  
наших красный образ добродетелей Ея,/ да величаем  
Тя, Господа и Спаса нашего.

Слава Отцу и Сыну и Святому Духу.

Твой всечестный образ, Владычице, любезно на земли  
приёмлюще,/ зовём к Тебе, сущей во славе Небесней,/ да  
присно ходатайствуеши нам благодать мыслити и  
творити достойная Твоего величия,/ еже сотвори Тебе  
Сильный.

И ны́не и прѣсно и во ве́ки веко́в. Ами́нь.

Твои́х благодея́ний воспомина́ние, твори́мое днесь,/ двѣжет се́рдца на́ша со устна́ми к благохвалѣ́нию Твоему́, Влады́чице,/ но сотвори́, да и краси́ый лик Твои́х добродѣ́телей/ привлече́т се́рдца на́ша к любле́нию и подража́нию о́ных.

### Седален, глас 3

Си́и лю́дие устна́ми чтут Мя,/ се́рдце же их дале́че отстои́т от Мене́, —/ рече́ иногда́ Госпо́дь Вседержи́тель ко иудее́м, еди́н вне́шний вид благоче́стия явля́ющим./ Но да и мы не тую́жде с ни́ми ча́сть и осужде́ние воспри́йдем, бра́тие,/ всячески́ блюде́мся дел, подо́бных лицемерію./ Сего́ ра́ди пра́зднующе и всечестны́й сей пра́здник,/ да не яви́мся извне́ то́чию благоговѣ́йны,/ вну́търь же у́ду зли и нечесті́вии пред Испыту́ющим се́рдца и утробы́,/ в простоте́ се́рдца поклоні́мся Ему́, я́коже Сам рече́, Ду́хом и исти́ною,/ да та́ко бу́дем подража́тели Пресвяте́й Де́ве,/ в Не́йже не глас то́чию, но па́че душа́ велича́ше Го́спода/ и Дух ра́довашеся о Бо́зе, Спа́се Своём.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

**Богороди́чен:** Покро́ва Твоего́ Божѣ́ственного, Пречи́стая Богоро́дице Влады́чице,/ да не оты́меши от рабо́в Твои́х, мо́лят Тя угодни́ки Сы́на Твоего́:/ великомучени́к Феодо́р Стратила́т и вели́ции

Святителие Московстии, ѱхже молѣние приими и помилуй нас.

#### Песнь 4

**Ирмос:** Седяй в славе на Престоле Божества/ во облаце легце,/ прииде Исус Пребожественный/ Нетленною Дланию и спасе зовущия:/ слава, Христе, силе Твоей.

**Припев:** Пресвятая Богородице, спаси нас.

Седяй одесную Престола величества на высоких,/ снишел еси к дольнейшим странам земли/ и, вселився во чрево смиренномудрыя Матере Девы,/ явил еси миру, яко Ты призираеши на смирение рабов Твоих/ и даеши им благодать Твою,/ еяже да и мы сподобимся, даруй нам быти ревнители смиренномудрыя Твоея Матере.

**Припев:** Пресвятая Богородице, спаси нас.

Седяй на рамах Херувим и Серафим,/ благоволил еси плотию седети на объятиях Чистейшия Отроковицы,/ да сим покажеши нам, яко Ты, Святе святых,/ обитаеши в сердцах единых любителей чистоты и целомудрия,/ егоже рачители и нас покажи молитвами рождшия Тя.

Слава Отцу и Сыну и Святому Духу.

Седящему во славе на Престоле Божества/ сподобилася еси Матерь быти,/ ради изящнейшия чистоты и смиренномудрия,/ ихже любители и нас покажи молитвами Твоими,/ да и мы сподобимся



ча́сти, угото́ванной рачи́телем чистоты́ и смиренному́дря Твоего́.

И ны́не и прісно и во ве́ки веко́в. Ами́нь.

Седéти во сла́ве Сы́на Твоего́ сподо́бившаяся,  
Пренепоро́чная Де́во,/ не преста́й моля́щи бла́гость  
Его́,/ да и мы, взира́юще на о́браз святы́я жи́зни Твоея́/  
и о́ному на́шим жи́тельством сообразу́ющесея,/ тоя́жде  
сла́вы на Небесе́х бу́дем прича́стницы.

## Песнь 5

**Ирмос:** Ужасо́шася вся́ческая/ о Божéственной сла́ве  
Твоей:/ Ты бо, Неискусобра́чная Де́во,/ имéла еси́ во  
утро́бе над все́ми Бо́га/ и родила́ еси́ Безле́тнаго  
Сы́на,/ всем воспева́ющим Тя/ мир подава́ющая.

**Прпев:** Пресвята́я Богоро́дице, спаси́ нас.

Ужаса́хуся и смуща́хуся костромстии́ жителіе,/  
мне́вше зна́мение Твоего́ о них про́мысла,/ ико́ну  
Ма́тере Твоей, во пла́мени сгорéвшу,/ но сіе́  
смущéние премени́л еси́ в ра́дость, Го́споди,/ показав  
им а́бие о́браз сей, от огня́ и пéпела невреді́м./ Сі́це  
да и мы, по обу́реваю́щих нас искуше́ниях и  
напа́стех,/ прісно раду́емся о Твое́м, е́же о нас  
благоволе́нии,/ мо́лим Тя, Человеколю́бче.

**Прпев:** Пресвята́я Богоро́дице, спаси́ нас.

Ужасо́шася иногда́ полкі́ нашéдших на град  
Кострому́ супоста́тов,/ егда́ от воображе́ния зра́ка  
лица́ Твоего́, Го́споди, и Пресвяты́я Твоей Ма́тере/  
пусти́л еси́ на сих стрéлы мо́лниины,/ но сей у́жас да

вложиши в сердца/ и всех, стремящихся  
ратоборствовать достойные Твое,/ молим Тя с  
Ходатаицею нашего избавления.

Слава Отцу и Сыну и Святому Духу.

Ужасни и скорбни бывше жители Городца,/ узревше  
икону Твою, Богомати, пренесену во град Кострому:/  
мняху бо себе сим пренесением лишенных быти  
Твоего о них Матерняго благоволения,/ но да не и мы,  
таковою же иногда скорбию объяти,/ будем лишени  
знамений Твоего покровительства,/ не престай,  
Владычице, пребываючи с нами Твоею милостию.

И ныне и присно и во веки веков. Аминь.

Яко очи рабыни в руку госпожи своей,/ тако очи наши  
всегда к Тебе возводим,/ о Многоблагодатная  
Госпоже наша и Спасительнице Всесвятая  
Богородице!/ Призри убо на ны милостивно,  
царствующая на Небеси с Сыном твоим и Богом,/ и  
ущедрити ны, грешныя, потщися,/ яко вся Тебе  
возможна суть.

## Песнь 6

**Ирмос:** Божественное сие и всечестное/ совершающе  
празднество,/ Богомудрии, Богоматере,/ приидите,  
руками восплещим,/ от Нея рождаемого Бога славим.

**Прпев:** Пресвятая Богородице, спаси нас.

Божественное Твое разумеем истощание, Иисусе,  
Боже наш,/ егда, взирающе на образ Матере Твоея,/  
зрим Тя с Нею яко Младенца, руками Ея держима,/

тѣмже благодаряще сему Твоему еже к нам  
снизхождению,/ молим Тя, нас ради  
младенствовавшего,/ быти нам милостива о гресех  
наших.

Слава Отцу и Сыну и Святому Духу.

Божественнаго Твоего воплощения еже от Девы, да  
присно славится таинство,/ даровал еси нам, Христе  
Царю, всечестную Матере Твоея икону/ с  
воображенным на ней видом Пречистаго лица  
Твоего,/ темже и молим Тя, Вседаровитый Господи,/  
да даси нам присно славити воплощение Твое,/ имже  
человецы Божеству соединимся.

И ныне и присно и во веки веков. Аминь.

Божественнаго Твоего воплощения еже от Девы, да  
присно славится таинство,/ даровал еси нам, Христе  
Царю, всечестную Матере Твоея икону/ с  
воображенным на ней видом Пречистаго лица  
Твоего,/ темже и молим Тя, Вседаровитый Господи,/  
да даси нам присно славити воплощение Твое,/ имже  
человецы Божеству соединимся.

## **Акафист**

### **Кондак 1**

Взбранней Воеводе, Пренепорочней Деве Богородице,  
Заступнице нашей и Представительству христиан  
непостыдному, явлением чудных иконы Своея  
радование подавшей земле Россійстей и вся верная  
чада Церкви просветившей, благодарение усердно

принóсим Ти, Богорóдице, и припадающе пречúдному образу Твоему́, умíльно глаго́лем: спаси́, Госпоже́, и помíлуй рабы́ Твоя́, зовúщия:

Ра́дуйся, Ма́терь Бóжия, Предста́тельница и Засту́пнице на́ша усёрдная.

### Икос 1

Арха́нгел Гаври́л от Бо́га по́слан бысть во град Назарёт ко Пречи́стей Дёве Мари́и, и вшед к Ней рече́: Ра́дуйся, Благода́тная, Госпо́дь с Тобо́ю, благослове́нна Ты в жена́х. Арха́нгельскому гла́су подража́юще, и мы, грéшнии, ра́дости и благодарéния в се́рдце своём испóлнени, пред явлéнным о́бразом Твои́м благохвалéния на́ша возноси́ти к Тебе́ дерза́ем, Пресвята́я Богорóдице:

Ра́дуйся, о́трасле от ко́рене Дави́дова благослове́нная; ра́дуйся, обе́том родите́лей в же́ртву Бо́гу принесéнная.

Ра́дуйся, святы́х пра́ведных Иоакíма и А́нны Дщи Богода́нная; ра́дуйся, три́ех лет во храм Бóжий введе́нная и та́мо воспитáнная.

Ра́дуйся, та́мо смире́нием и чистото́ю всех удивíвшая; ра́дуйся, та́мо арха́нгельския бесе́ды сподо́бльшаяся.

Ра́дуйся, Дёво, о зача́тии Бо́га Сло́ва благове́стие во смире́нии при́ймшая; ра́дуйся, избра́нная Отрокови́це, к зача́тию Бо́га Сло́ва си́лою свы́ше осенéнная.

Ра́дуйся, та́йну воплоще́ния Сы́на Бо́жия, от веко́в в Бо́зе сокрове́нную, открыв́шая; ра́дуйся, А́гнице, ро́ждшая А́гнца Христа́, взёмшаго грехи́ ми́ра.

Ра́дуйся, Тобо́ю бо избавля́емся мук а́довых; ра́дуйся, Тобо́ю бо сподобля́емся ве́чныя жи́зни.

Ра́дуйся, Ма́ти Бо́жия, Предста́тельница и Засту́пнице на́ша усер́дная.

## **Кондак 2**

Ви́дя ико́ну Твою́, Пресвята́я Де́во, на дрéве стоя́щу, князь благочестивый Костромский́ у́жасом мно́гим содрогáшеся недоуме́я, что бысть ви́дение сие́. Хотя́щу же ему́ при́яти ю́ и от сегó свы́ше удéржану ему́ бы́вшу, не можа́ше; уве́дев, я́ко чу́дно есть ико́ны то́я явлéние, воззва́ к Бо́гу: Аллилу́иа.

## **Икос 2**

Ра́зумом желáя разумéти князь благочестивый прише́ствие пречу́днаго Твоего́ о́браза во град Кострому́, Богоро́дице, душе́ю ра́дования преиспо́лненною себе́ предаде́ водите́льству Бо́жию, и прекло́нь колéна, со стра́хом вопия́ше Тебе́:

Ра́дуйся, Де́во, явльшая о́браз Свой чу́дно; ра́дуйся, Благослове́нная, в явлéнии о́браза Своего́ милосе́рдие нам явля́ющая.

Ра́дуйся, о всех чту́щих Сы́на Твоего́ промы́ляющая; ра́дуйся, всем прося́щим у Тебе́ да́ры, в ме́ру ве́ры, ко спасéнию пода́ющая.

Ра́дуйся, путь и́стины заблúдшим показúющая;  
ра́дуйся, к гóрнему мíру чудесы́ Твоими́ ум наш  
возводя́щая.

Ра́дуйся, смущения́ помышлений сумнительных  
удаля́ющая; ра́дуйся, сла́вящих Тя всегда́  
прославля́ющая.

Ра́дуйся, чистото́ю Твое́ю чистоте́ нас науча́ющая;  
ра́дуйся, чистото́ю Твое́ю нечистоту́ нашу  
облича́ющая.

Ра́дуйся, моления́ наша́ приёмлющая; ра́дуйся,  
рыда́ний и слез не отмета́ющая.

Ра́дуйся, Ма́ти Бо́жия, Предста́тельница и Засту́пнице  
наша́ усердная́.

### **Кондак 3**

Си́лу Бо́жию благочестивый князь позна́в в  
восхожде́нии о́браза чу́днаго Твоего́, Богома́ти, в  
явлéнии же ви́дев милосе́рдие Твое́ ко всем спасéние  
хотя́щим получи́ти, рече́: Аллилу́иа.

### **Икос 3**

Име́в по́мысл стяжа́ти да́руемое Небе́сное сокровище,  
лик Твой свéтлый, Богома́ти, второ́е простре́  
державный руку́ к о́бразу нисше́дшему; узрэв же па́ки  
его́ восхожде́ние, ско́ро по́йде во град и пове́да о  
бы́вших ему́ освящённому собору́, да прише́дше и  
ви́дяще ико́ны Твоея́ явлéние возопи́ют с ним ве́рнии:

Ра́дуйся, Цари́це Небесé и земли; ра́дуйся, Престо́ле  
Царя́ ца́рствующих.

Ра́дуйся, Пренепоро́чная Де́во; ра́дуйся, Ма́ти  
Непристу́пнаго Свéта.

Ра́дуйся, честне́йшая Херувим; ра́дуйся, сла́внейшая  
без сравне́ния Серафим.

Ра́дуйся, Небесными Си́лами велича́емая; ра́дуйся, от  
всех земноро́дных ублажа́емая.

Ра́дуйся, неизрече́нное Весéлие А́нгелов; ра́дуйся,  
Ве́нче ца́рственный всех проро́ков и апо́столов.

Ра́дуйся, правосла́вия Христо́вы Це́ркве огражде́ние;  
ра́дуйся, всех суемудрых уче́ний и ересей  
низложе́ние.

Ра́дуйся, Ма́ти Бо́жия, Предста́тельница и Засту́пнице  
наша усéрдная.

#### **Кондак 4**

Бу́рю внутрь имéя помышлénий недоумénных,  
освяще́нный собо́р со псалмы́ и пéснями духо́вными  
а́бие притече́ видети о́браз Твой, Неискусобра́чная.  
Узрэв же егó на дрéве дивно стоя́ща и благоле́пно  
красото́ю сия́юща, рече́: Аллилу́иа.

#### **Икос 4**

Слы́шаша лю́дие честны́я ико́ны Твоея́,  
Богоотрокови́це, пришéствие и, ко о́ной те́кше,

поклоня́хуся, а́ки Самей Тебе́ су́щей, и со умиле́нием  
и слеза́ми вопия́ху к Тебе́:

Ра́дуйся, Де́во, Благослове́нная в жена́х, во чре́ве  
Твоём Носи́теля вся́ческих носившая; ра́дуйся,  
рожде́нием Сы́на Твоего́ спасе́ние ми́ру все́му  
я́вльшая.

Ра́дуйся, челове́ки с Бо́гом соедини́вшая; ра́дуйся,  
превы́шшая небес, изба́вльшая нас от кля́твы.

Ра́дуйся, нас к ве́чной жи́зни руководи́вшая; ра́дуйся,  
Влады́чице ми́ра.

Ра́дуйся, Бо́жие к сме́ртным благоволе́ние; ра́дуйся,  
сме́ртных к Бо́гу дерзнове́ние.

Ра́дуйся, благих во бла́гости соблюда́ющая; ра́дуйся,  
лука́вых на путь благий обраща́ющая.

Ра́дуйся, под сень кро́ва Твоего́ прибега́ющих  
ми́люющая; ра́дуйся, упова́ющих на Тя вся потре́бная  
к животу́ и благоче́стию да́рующая.

Ра́дуйся, Ма́ти Бо́жия, Предста́тельнице и Засту́пнице  
на́ша усердная.

### **Кондак 5**

Я́ко боготечную звезду́ узреша лю́дие ико́ну Твою́,  
Безневéстная Де́во, и, я́ко многосвётлый свети́льник,  
постави́ша ю́ во святе́м собо́рнем хра́ме, раду́ющесея и  
вопию́ще Бо́гу: Аллилу́иа.



## Икос 5

Видевше жители града Городца образ Твой,  
Владычице, во храме града Костромы стоящий, и на  
руку Твоею держама Богомладенца Иисуса, скорбию  
о держама беша, зане отшествия его бысть из града их.  
Мы же, обрадовани благоволением Твоим ко граду  
нашему, приносим Ти дары, и, с любовью лобызающе  
Твой святой образ, вопием Ти:

Радуйся, Звезда, Солнце правды нам являющая;  
радуйся, возлюбившая сию страну.

Радуйся, обретение Тебе ищущих; радуйся, радостью  
неизреченною верных сердца исполняющая.

Радуйся, сокровище благодати неистощимое; радуйся,  
милости пренотекущий источник.

Радуйся, от тяжких бед спасающая; радуйся, от  
смертных язв избавляющая.

Радуйся, всего мира Ходатаице; радуйся, всех недугов  
Целительнице.

Радуйся, Красото несравненная; радуйся, Добро  
несказанная.

Радуйся, Мати Божия, Предстательнице и Заступнице  
наша усердная.

## Кондак 6

Проповедницы богоснии быша видевши образ  
Твой, Богородице. Возвращая бо кийждо во страну

свою, возвещаше о пришествии его и чудесех от него бываемых, воспевая Богу: Аллилуиа.

## Икос 6

Воссиявши благодать от чуднаго образа Твоего,  
Чистая, веру немощствующих утверди, верных же  
возвесели сердца любовью. Сего ради радуящееся  
вопием Ти:

Радуйся, Пресвятая Дево, светом Небесных истины  
нас озаряющая; радуйся, мглу греховную от нас  
отгоняющая.

Радуйся, чудесы Твоими к боговедению нас  
приводящая; радуйся, всех кающихся грешников ко  
благочестию подвизающая.

Радуйся, всех притекающих к Тебе крепкое  
заступление; радуйся, немощствующих умом  
утверждение.

Радуйся, изнемогающих в вере возставляющая;  
радуйся, тихое пристанище в море житейском  
обуреваемым.

Радуйся, злыя советы сынов погибельных  
открывающая; радуйся, вознесенную гордыню врагов  
отечества нашего смиряющая.

Радуйся, православных царей Державо; радуйся, всех  
христиан Похвало.

Радуйся, Мати Божия, Предстательнице и Заступнице  
наша усердная.

## Кондак 7

Хотя прослáвити Сын Твой, Богорóдице, святую икóну Твою́ во гра́де Костромé, повелé ю в день Успéния Твоегó свято́му великомученику Феодору Стратилáту носíти по гра́ду сему́, да вси, вíдяще чúdo сие́, благодарным сёрдцем возопи́ют Ему́: Аллилу́иа.

## Икос 7

Чúdo но́вое яви́ нам Господь мольба́ми Твоими́, Богорóдице, егда́ сгорéвшу хра́му, в нёмже бе поставлен святы́й о́браз Твой, сохрани́ его́ в пéпле невредíма от огня́, и тако́ мнэвших сгорéвша его́ печáль в рáдость преложí. Мы же, чúdo сие́ вéдяще, воспевáем Ти таковáя:

Рáдуйся, Купино́ Неопали́мая; рáдуйся, о́гненный стóлпе, сущия́ во тьме наставля́й.

Рáдуйся, Киво́те, Ду́хом позлащённый, Невместíмаго Бóга вместíвший; рáдуйся, кади́льнице златáя, яко́ фимиáм благоухáнный, моли́твы Твоя́ за ны к Бóгу Сýну прíсно вознося́щая.

Рáдуйся, Жéзле Аарóнов, к явлéнию в ми́ре Сýна Твоегó прозя́бший; рáдуйся, Руно́ Гедео́ново, благодáтию Бóжиею во спасéние нáше ороше́нное.

Рáдуйся, Горó несекóмая, от Нея́же отсече́ся краеуго́льный ка́мень Христóс; рáдуйся, Хра́ме одушевлéнный, в Нёмже всели́ся Божество́ телéсне.

Ра́дуйся, дѣвства охранѣние; ра́дуйся, супру́жества  
благословѣние.

Ра́дуйся, па́че всех Го́спода возлюбѣвшая; ра́дуйся,  
па́че всех от Него́ превознесѣнная.

Ра́дуйся, Ма́ти Бо́жия, Предста́тельница и Засту́пнице  
на́ша усѣрдная.

### **Кондак 8**

Стра́нное чу́до ви́девше, на возду́се ико́ну Богома́тери  
стоя́щу, а́ки рука́ми а́нгельскими держи́му, егда́  
второ́е сгоре́ храм, в не́мже сто́я явлѣнная сия́ ико́на,  
отве́ржемся, лю́дие, ми́ра сегó, ум на Небеса́  
прело́жше; сегó бо ра́ди и даде́ся нам чу́дная ико́на  
Богоро́дицы, да, взира́юще на ню, Го́рняя му́дрствуем,  
а не земна́я, вопи́юще к Бо́гу: Аллилу́иа.

### **Икос 8**

В вѣ́шних пребыва́ющи селѣ́ниих, и ни́жних не  
разлучи́лася еси́, Богоро́дице, чудесы́ Твои́ми всех  
просвеща́ющи приходя́щих к Тебе́ с ве́рою, сегó ра́ди  
и слы́шиши от нас сия́:

Ра́дуйся, Ма́ти Христа́ Бо́га на́шего, на Небеси́  
пребыва́ющая; ра́дуйся, на землі́ нас не оставля́ющая.

Ра́дуйся, ра́ди вели́чества Твоего́ на Небеси́ А́нгелы  
окруже́нная; ра́дуйся, ра́ди сла́вы Твоея́ на землі́ от  
челове́к прославля́емая.

Рáдуйся, Тебé бо слúжат вся Небéсныя Сíлы; рáдуйся, Тебé бо, по Бóзе, хвалéние вознóсят Херувíми и Серафíми.

Рáдуйся, лицé Бóжие вýну на Небесí созерца́ющая; рáдуйся, пред престóлом Сы́на Твоегó Мáтернии рúце Твой, за ны моля́щаяся, простира́ющая.

Рáдуйся, нас, сýщих на землí, от всякаго зла омофóром Твоём покрыва́ющая; рáдуйся, вёрных от всяких душепа́губных дел удаля́ющая.

Рáдуйся, рождéнием Сы́на Бóжия двéри Цáрства Христóва нам отвёрзшая; рáдуйся, наде́ждою прíятия Небéсных благ вёрных дúши услажда́ющая.

Рáдуйся, Мáти Бóжия, Предстáтельница и Застúпнице нáша усéрдная.

### **Кондак 9**

Всякое естество́ а́нгельское превозно́сит Тя, Дéво, вели́кия рáди любвé Твоея́ к рóду христиáнскому; незрíма бо и непристúпна, я́ко Мáти Бóга от землí к Небесí возше́дшая, пречíстым Твоём о́бразом зрíму и пристúпну Себé явля́еши всем воспева́ющим Сы́ну Твоему́: Аллилу́иа.

### **Икос 9**

Витíя многовещáнная, я́ко рýбы безгласны, зрим о Тебé, Богородице, недоуме́ют бо глаго́лати о сла́вных чудесéх, от явлéнных Твоея́ ико́ны бывáемых. Мы же о́ным дивя́щаяся благодарно вопи́ем Ти:

Ра́дуйся, слепы́х прозрэ́ние; ра́дуйся, хромы́х  
хождéние.

Ра́дуйся, от тёмных и лука́вых духо́в исцеля́ющая;  
ра́дуйся, луча́ми от Твоего́ пречы́стаго о́браза  
изше́дшими враго́в земли́ на́шея отгна́вшая.

Ра́дуйся, больны́м видéние Твое́ дарова́вшая; ра́дуйся,  
моля́щимся явлéнной ико́не Твое́й исцелéние  
пода́ющая.

Ра́дуйся, разсла́бленных от одра́ болéзни  
воздвигáющая; ра́дуйся, немы́м разрешáющая уста́.

Ра́дуйся, от плéна вра́жия возвра́щающая; ра́дуйся,  
лю́тыя плóти стра́сти утоля́ющая.

Ра́дуйся, ду́ши вёрных неизречéнным милосéрдием  
Твои́м умиля́ющая; ра́дуйся, неизглаго́ланным Твои́м  
человеколю́бием уныва́ющих ободря́ющая.

Ра́дуйся, Ма́ти Бо́жия, Предста́тельница и Засту́пнице  
на́ша усéрдная.

### **Кондак 10**

Соблюсти́ хотя́щи в чистоте́ домостро́ительство  
Цéркве Правосла́вныя, Чы́стая, и, утверди́ти ски́петр  
держáвы Росси́йскаго, чу́дною ико́ною Твое́ю вложи́ла  
еси́ в се́рдце благове́рнаго госуда́ря Миха́ила  
Фе́одоровича при́яти венéц ца́рский земли́  
Росси́йскаго, да вси ви́дящи ви́дят, я́ко Вы́шний  
владе́ет ца́рством, и ему́же хо́щет даёт ё́, и возопи́ют  
Ему́: Аллилу́иа.

## Икос 10

Стенá еси необорíмая, Богорóдице Дéво, всем к Тебé прибега́ющим: никто́же бо притека́яй к Тебé тощ отхо́дит. Сего́ ра́ди ущедряеми мíлостию Твоёю, во умилéнии душí возглаша́ем Тебé:

Ра́дуйся, твёрдая Стенó, от враг вíдимых и неvíдимых охраня́ющая; ра́дуйся, крѣпкая Защи́то упова́ние на Тя возложíвшим.

Ра́дуйся, познáния íстины чíстое Зерца́ло; ра́дуйся, сохранéния véры крѣпкое Забра́ло.

Ра́дуйся, гра́ды и страны́ христиáнския предста́тельством Тво́им от враго́в спаса́ющая; ра́дуйся, царѣм благове́рным поборáющая.

Ра́дуйся, мир во гра́дех селя́щая; ра́дуйся, благона́вным благопоспешáющая.

Ра́дуйся, síлою моли́тв Тво́их злѣя по́мыслы в ничто́же обраща́ющая; ра́дуйся, síлы враго́в бли́жняго сокруша́ющая.

Ра́дуйся, юности наставлéние; ра́дуйся ста́рости поддержа́ние.

Ра́дуйся Ма́ти Бóжия, Предста́тельнице и Засту́пнице на́ша усéрдная.

## Кондак 11

Пéние всякое побежда́ется спростре́тися тща́щеся мно́жеству мно́гих щедрóт Тво́их; равночíсленныя бо

пескú морскóму пёсни áще принóсим Ти, Богорóдице Дёво, ничтóже совершаём достóйно, яже даровáла есѝ нам, вопи́ющим к Бóгу: Аллилúиа.

## Икос 11

Светопрѝемную свещú, дрéвле явльшуюся, зрим во святéй икóне Твоéй, Богорóдице Дёво, егда́ град Кострому защитѝла есѝ от разорéния врагóв землѝ на́шей лучáми, от святýя Твоея́ икóны исхóдящими. Сегó рáди с вéрою припадающе к ней и с любóвию лобызáюще ю, вопиём Ти:

Рáдуйся, Мáти Превéчнаго Свёта Христа́, учéнием Егó дúши просвещáющая; рáдуйся, благодáтию Бóжиею невéрующих к вéре в Бóга приводя́щая.

Рáдуйся, путешéствующим спутешéствующая;  
рáдуйся, нúжно пла́вающих Кóрмчая.

Рáдуйся, от вся́кия скóрби, гнёва и нúжды спаса́ющая;  
рáдуйся, от гла́да, губѝтельства, трúса и огня́ сохраня́ющая.

Рáдуйся, избавля́ющая от иноплемéнных; рáдуйся, охраня́ющая от междоусóбныя брáни.

Рáдуйся, во святéй икóне Твоéй, я́ко со́лнце, в Костромскѝх предéлах возсия́вшая; рáдуйся, zde óтрасль цáрственную возвели́чившая.

Рáдуйся, Тобóю бо утвержда́ются цáрства; рáдуйся, Тобóю бо венча́ются цáрие.



Ра́дуйся, Ма́ти Бо́жия, Предста́тельница и Засту́пнице  
на́ша усердная.

### Кондак 12

Благода́ть прия́вшая от Бо́га Сы́на Твоего́, Де́во  
Богоро́дице, и ту дрéвле изли́явшая на всех  
прибега́ющих к о́бразу Твоему́, не лиш́и ны́не и нас  
богáтыя Твоея́ мило́сти, да́руй нам пока́ние о гресéх,  
да чы́стым се́рдцем и устны́и взывáем к возлю́бленному  
Сы́ну Твоему́ и Бо́гу на́шему: Аллилу́иа.

### Икос 12

Пою́ще Твоея́ мило́сти и чудеса́, хва́лим Тя вси,  
Богоро́дице, и, я́ко дрéвний Изра́иль к киво́ту Завета́,  
притека́ем ко о́бразу лица́ Твоего́, и из глубины́ ду́ши  
вопи́ем: воздвигни́ ру́це Твоя́ к Сы́ну Твоему́, да  
пода́ст нам вся́ благáя и спаси́тельная с ве́рою и  
любо́вию вопию́щим Ти:

Ра́дуйся, Утешéние на́ше в скóрбех; ра́дуйся,  
Утоле́ние печáлей на́ших.

Ра́дуйся, Ра́досте на́ша безконéчная; ра́дуйся,  
Свётлосте и Отра́до сердéчная.

Ра́дуйся, Наде́ждо на́ша крéпкая; ра́дуйся, сы́рым  
При́ятище.

Ра́дуйся, страна́ным Прибе́жище; ра́дуйся, оби́димым  
Покрови́тельнице.

Ра́дуйся, оклеветáемых Оправдáние; ра́дуйся, блаѓих  
Защи́ение.

Ра́дуйся, те́ла моего́ Врачевáние; ра́дуйся, ду́ши моея́ Спасéние.

Ра́дуйся, Ма́ти Бо́жия, Предста́тельница и Засту́пнице на́ша усéрдная.

### Кондак 13

О, Преми́лосе́рдая Засту́пнице на́ша, вели́кия ра́ди ми́лости Твоея́ дарова́вшая оте́честву и гра́ду на́шему чудотво́рную ико́ну Твою́ во освяще́ние, утеше́ние и огражде́ние на́ше, ны́нешнее прие́мши славосло́вие, от вся́каго злáго обстоя́ния изба́ви рабы́ Твоя́. Ски́петр держа́вы Росси́йской утверди́, да́руй православному наро́ду русскому́ здра́вие и спасéние, Христолю́биво́му воинству́ на́шему на враги́ побéду и одоле́ние и всех нас вéчных мук свободи́, устна́ми, душе́ю же и се́рдцем вопи́ющих: Аллилу́иа.

*[Сей конда́к глаго́лется три́жды.]*

*[Далее повторяем 1-е икос и кондак:]*

### Икос 1

Арха́нгел Гаври́л от Бо́га по́слан бысть во град Назаре́т ко Пречи́стей Де́ве Мари́и, и вшед к Ней рече́: Ра́дуйся, Благода́тная, Госпо́дь с Тобо́ю, благослове́нна Ты в жена́х. Арха́нгельскому́ гла́су подража́юще, и мы, грéшнии, ра́дости и благодарéния в се́рдце своéм испо́лнени, пред явлéнным о́бразом Твои́м благохвалéния на́ша возноси́ти к Тебе́ дерза́ем, Пресвята́я Богоро́дице:

Ра́дуйся, о́трасле от ко́рене Дави́дова благословéнная;  
ра́дуйся, о́бѣтом роди́телей в жéртву Бо́гу  
принесéнная.

Ра́дуйся, святи́х пра́ведных Иоакима́ и А́нны Дщи  
Богодáнная; ра́дуйся, три́ех лет во храм Бо́жий  
введéнная и та́мо воспитáнная.

Ра́дуйся, та́мо смире́нием и чистото́ю всех удиви́вшая;  
ра́дуйся, та́мо архáнгельския́ бесе́ды сподо́бльшаяся.

Ра́дуйся, Де́во, о зачáтии Бо́га Сло́ва благовéстие во  
смире́нии при́мшая; ра́дуйся, избра́нная Отрокови́це,  
к зачáтию Бо́га Сло́ва си́лою свѣ́ше осенéнная.

Ра́дуйся, та́йну воплоще́ния Сы́на Бо́жия, от веко́в в  
Бо́зе сокровéнную, открыв́шая; ра́дуйся, А́гнице,  
ро́ждшая А́гнца Христа́, взéмшаго грехи́ ми́ра.

Ра́дуйся, Тобо́ю бо избавля́емся мук а́довых; ра́дуйся,  
Тобо́ю бо сподобля́емся вéчныя жи́зни.

Ра́дуйся, Ма́ти Бо́жия, Предста́тельница и Засту́пнице  
на́ша усéрдная.

### **Кондак 1**

Взбра́нней Воево́де, Пренепоро́чной Де́ве Богоро́дице,  
Засту́пнице на́шей и Предста́тельству христиáн  
непосты́дному, явлéнием чу́дныхя ико́ны Своея́  
ра́дование пода́вшей землé Росси́стей и вся вéрная  
ча́да Цéркве просвети́вшей, благодарéние усéрдно  
принóсим Ти, Богоро́дице, и припа́дающе пречу́дному  
о́бразу Твоему́, умильно глаго́лем: спаси́, Госпоже́, и  
помилуй рабы́ Твоя́, зову́щия:

Ра́дуйся, Ма́терь Бо́жия, Предста́тельница и  
Засту́пнице на́ша усер́дная.

### Кондак, глас 8

Благода́рственная принося́ще Ти, раба́и Твои́,  
Богороди́тельнице, о всех,/ и́миже благоде́яла еси́  
Отечеству́ на́шему,/ из глуби́ны ду́ши взыва́ем к Тебе́  
и ми́ли ся де́ем:/ не преста́ни, Влады́чице,/  
Материнскими́ к Сы́ну Твоему́ и Бо́гу на́шему  
моли́твами/ подава́ти вся́ благая́ и спаса́тельная́ всем,/  
ве́рою и любóвию вопию́щим Ти:/ ра́дуйся, Де́во,  
христиа́н похвало́.

### Икос

Стена́ еси́ де́вам, Богороди́це Де́во,/ и́ всем, к Тебе́  
прибегáющим,/ и́бо Небесе́ и земли́ Творе́ц устро́и Тя,  
Пречи́стая, вселься́ во утробе́ Твое́й/ и́ вся  
приглаша́ти Тебе́ научи́в:/ ра́дуйся, сто́лпе де́вства;/  
ра́дуйся, двeрь спасeния./ Ра́дуйся, Нача́льнице  
мы́сленнаго наздáния;/ ра́дуйся, Подáтельница  
Божeственныя́ бла́гости./ Ра́дуйся, Ты́ бо обнови́ла  
еси́ зачáтыя стúдно;/ ра́дуйся, Ты́ бо наказáла еси́  
окра́денныя́ умóм./ Ра́дуйся, тлителя́ смы́слов  
упраждня́ющая;/ ра́дуйся, Сeятеля́ чистоты́ рóждшая./  
Ра́дуйся, черто́же безсе́меннаго уневе́щения;/ ра́дуйся,  
ве́рных Го́сподеви сочета́вшая./ Ра́дуйся, до́брая  
Младопита́тельница де́вам;/ ра́дуйся,  
Невестокраси́тельница душ́ святы́х./ Ра́дуйся, Невeсто  
Нене́вeстная.

Диáкон: Вóнмем. Прему́дрость. Вóнмем.

Прокімен: Помяну Имя Твое во всяком роде и роде.

Лик поет прокимен.

Стих: Слыши дщи и виждь, и приклони ухо Твое.

Диакон: Гóсподу помóлимся.

Лик: Гóсподи, помíлуй.

Иерей: Я́ко свят еси́, Бо́же наш, и во святы́х  
почива́еши, и Тебе́ сла́ву возсыла́ем, Отцу́, и Сы́ну, и  
Свято́му Ду́ху, ны́не и прісно, и во ве́ки векóв.

Лик: Амíнь.

Диакон: Всякое дыха́ние да хва́лит Гóспода.

Стих: Хвалі́те Бо́га во святы́х Его́, хвалі́те Его́ во  
утверже́нии си́лы Его́.

Диакон: И о сподо́битися нам слы́шанию свята́го  
Ева́нгелия, Гóспода Бо́га мо́лим.

Лик: Гóсподи, помíлуй, тріжды.

Диакон: Прему́дрость, прóсти, услы́шим свята́го  
Ева́нгелия.

Иерей: Мир всем.

Лик: И ду́хови твоemú.

Иерей: От Луки свята́го Ева́нгелия чтéние.

Лик: Сла́ва Тебе́, Гóсподи, сла́ва Тебе́.

Диакон: Во́нмем.

И четет иерей Евангелие от Луки, зачало 4.

Лик: Слава Тебе, Господи, слава Тебе.

## Песнь 7

**Ирмос:** Не послужиша твари Богомудрии/ паче  
Сздавшаго,/ но, огненное прещение мужески  
поправше,/ радовахуся, поюще:/ препетый отцев  
Господь и Бог, благословен еси.

**Припев:** Пресвятая Богородице, спаси нас.

Не служи ти твари паче Творца законоположивый  
человеком, Спасе наш,/ сотвори, усердно молим Тя с  
Богородицею,/ да Духом Твоим просвещаемы,/ не к  
рукотворенным изображением относим Боголепное  
служение,/ но чрез образ Твой возносимся умы и  
сердцы,/ к Единому Тебе, отцев Богу  
благословенному.

**Припев:** Пресвятая Богородице, спаси нас.

Не послужиша бывшии в пещи Вавилонстей мудрии  
юноши бездушному истукану,/ но Единому Тебе, во  
образе Ангела посреде пламене явльшемуся Сыну  
Божию, поклонися,/ ихже лику и части соприти и  
всех, изображением сладчайшаго зрака Твоего  
движимых/ к прославлению Тебе, отцев Бога  
благословеннаго.

Слава Отцу и Сыну и Святому Духу.

Не послужила еси Богу нравом плотских иудеев,  
Пренепорочная Дево,/ но духом и истиною, яко

исти́нная Раба́ Его́, покланя́лася еси́ Ему́./ Тёмже да и  
мы с Тобо́ю исти́ннии бу́дем поклони́цы Его́,/  
ходи́тайству́й нам благода́ть,/ е́же не в суеве́рном  
Богочита́нии, но во исти́нном благоче́стии и ве́ре/  
служи́ти отце́в Бо́гу благослове́нному.

И ны́не и прѣсно и во ве́ки веко́в. Ами́нь.

Не послужи́ла еси́ ми́ру и суете́ его́,  
Богороди́тельнице,/ но, всему́ предпоче́тши еди́наго  
Бо́га и зако́н Его́,/ была́ еси́ усердне́йшая всех Раба́  
Госпо́дня,/ тёмже и сподо́билася еси́ послужи́ти  
ве́лией та́йне Бо́жия воплоще́ния, я́ко Богома́терь,/ но  
сотвори́, да и мы, отве́ргшеся ми́ра и я́же су́ть в ми́ре,/  
вседу́шно прилепи́мся и послужи́м Еди́ному Отце́в  
Бо́гу благослове́нному.

## Песнь 8

**Ирмос:** О́троки благоче́стивыя в пещи́/ Рожде́ство  
Богоро́дичо спасло́ е́сть,/ тогда́ у́бо образу́емое,/ ны́не  
же де́йствуемое,/ вселе́нную всю́ воздвиза́ет пе́ти  
Тебе́: Го́спода по́йте, дела́,/ и превозноси́те Его́ во  
вся ве́ки.

**Припев:** Пресвята́я Богоро́дице, спаси́ нас.

Отроча́ мла́до на́шего ра́ди спасе́ния был еси́,  
Безле́тний Бо́же наш Иису́се,/ Его́же воображе́ние  
зря́ще на свяще́нной ико́не,/ усердно́ю в Тя ве́рою  
вопи́ем Ти:/ бу́ди Воспита́тель, Нача́вник и  
Покрови́тель младе́нцем и отроко́м на́шим,/ да и си́и  
во исти́нней ве́ре навѣ́кнут глаго́лати Тебе́:/ Го́спода  
по́йте, дела́,/ и превозноси́те Его́ во вся ве́ки.

**Приве́в:** Пресвята́я Богоро́дице, спаси́ на́с.

О́трок дванадесятоле́тен б́ывый, Иису́се,/ посреде́  
ста́рец и учи́телей во святи́лици пребыва́я, послу́шал  
еси́ их/ и, совопроша́я с ни́ми, явля́л еси́ святу́ю  
ре́вность к Божество́нному зако́ну,/ да сим и на́ша  
о́троки наста́вший/ тща́тися во вре́мя ю́ности  
стяжавáти духо́вную, яже от зако́на Твоего́  
прему́дрость,/ да и оні́ науча́тся се́рдцы и усты́,/  
словесы́ же и де́лы превозноси́ти Тя во вся ве́ки.

Сла́ва Отцу́ и Сы́ну и Свято́му Ду́ху.

О́троки от пещи́ Вавило́нския изба́вльшему Го́споду/  
моли́ся приле́жно, Богоневе́стная О́трокови́це,/ да  
да́рует всем, под кров Твой прибега́ющим,/  
невреждённы́м бы́ти от огня́ искуше́ний и пла́мене  
похотей́,/ да, тако́ Тобо́ю изба́вльшеся,/ чи́стыми  
душа́ми и нескве́рными устна́ми благослови́м с  
Тобо́ю Еди́наго Изба́вителя Го́спода/ и превозно́сим  
Его́ во вся ве́ки.

И ны́не и при́сно и во ве́ки веко́в. Ами́нь.

О́трокови́цам Твое́ целому́дрие и чистота́ да бу́дет  
красота́ и сла́ва,/ чревоно́сящим Твое́ безболе́зненное  
и свято́е рождество́/ да бу́дет сла́дкое утешéние и  
отра́да,/ всем же, всякаго по́ла и во́зраста чту́щим Тя,  
Богоневе́сто,/ добродéтели Твоя́ да бу́дут еди́ным  
упражне́нием их,/ я́ко си́ми то́кмо досто́йне от  
челове́ка прославля́ется Госпо́дь, живы́й во ве́ки.



## Песнь 9

**Ирмос:** Всяк земнорóдный/ да възгра́ется, Ду́хом просвещáемь,/ да торжествует же Безплóтных умóв естество́,/ почита́ющее священное торжество́ Богомáтере и да вопи́ет:/ ра́дуйся, Всеблаже́нная Богорóдице,/ Чы́стая Присноде́во.

**Припев:** Пресвята́я Богорóдице, спаси́ нас.

Всякое колéно Небéсных, и земных, и преиспóдных да покланя́ется Тебé,/ я́ко нося́щему в Себé неизмéнный Преблаже́ннаго Отца́ Твоегó о́браз, Иису́се./ С ни́миже и мы, véрою просвещáемь,/ Тя, Ёстиннаго Бо́га, о́браз челове́ч от Де́вы при́ймшаго, боголе́пно велича́ем.

**Припев:** Пресвята́я Богорóдице, спаси́ нас.

Всяка уста́ да заградя́тся суесло́влящих,/ я́ко несть досто́йно чествова́ти Твою́ и Пречи́стыя Ма́тере Твое́й ико́ну, Влады́ке:/ се бо, просла́вив сию́ чудеса́ми,/ научи́л еси́ достоя́ние Твоё Тебé и во о́бразе плóти Твое́й/ с Пренепоро́чною Твое́ю Ма́терию прославля́ти и велича́ти.

Сла́ва Отцу́ и Сы́ну и Свято́му Ду́ху.

Вси ро́ди véрных, по прорече́нию Твоему́, блажа́т Тя,/ Благослове́нная, Христа́ Бо́га нашего́ Ма́ти./ С ни́ми же и мы, véрою совоку́плени,/ благоговéйно чту́ще священное лица́ Твоегó изображе́ние,/ прославля́ем Твоя́ вели́чия, я́же сотвори́ Тебé Госпо́дь сил,/ с Ним же Тя велича́ем.

И ны́не и прѣсно и во вѣки веко́в. Ами́нь.

Всяк язѣк смѣртных, по досто́янию, изнемога́ет  
велича́ти Тя, / над все́ми превознесѣнную, о  
Богоневѣсто! / Тѣмже и мы, прославля́юще Тя днѣсь,  
исповѣдуем наше кра́йнее неможѣние, / но, си́е  
исповѣду́юще, мо́лим Тя, / да по мно́жеству щедро́т  
Твои́х, при́ймеша ма́лое си́е приноше́ние, / во  
зна́мение мно́гия любве́ и усѣрдия нас, велича́ющих  
Тя.

### Светилен

Свет Лица́ Твоего́ и Пресвяты́я Твое́я Ма́тере / яви́вый  
нам, Влады́ко, во всечестне́й ико́не сей, / сотвори́ нас,  
яко ча́да све́та ходи́ти во све́те за́поведей Твои́х, / да,  
егда́ яви́шися во сла́ве с Ро́ждшею Тя, / сообра́зны  
бу́дем светле́йшему со́лнца о́бразу Твое́й сла́вы.

Сла́ва Отцу́ и Сы́ну и Свято́му Ду́ху, и ны́не и прѣсно  
и во вѣки веко́в. Ами́нь.

**Богороди́чен:** Бо́жия тезоименѣ́тый да́ра страда́лец  
Христо́в Феодо́р / Божѣ́ственный вои́стинну дар,  
пречестну́ю Пречи́стыя Богома́тере ико́ну, / гра́ду  
Костромѣ́ принѣс, вруча́ет, / ю́же мы с неизрече́нною  
ра́достию, яко Небе́сное сокрови́ще, во граде Москве  
ныне прие́млюще, / играим духо́вне и ликовству́ем,  
просвещ́аеми све́том Божѣ́ственного лица́ Мари́и  
Прѣсноде́вы, / от Нея́же возсия́ Пра́ведное Со́лнце —  
Христо́с, / просвещ́аяй вся́каго челове́ка, гряду́щаго  
в мир.

Лик: Ангел вопияше Благодатней. (до отдания Праздника Пасхи)

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас. Трѣ́жды.

Сла́ва, и ны́не:

Пресвята́я Трѣ́ице, поми́луй нас; Го́споди, очисти грехи́ на́ша; Влады́ко, прости́ беззакѡ́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй, трѣ́жды.

Сла́ва, и ны́не: О́тче наш, И́же еси́ на Небесѣх! Да святѣ́тся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Возглас: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прѣ́сно, и во ве́ки веко́в.

Лик: Аминь

Тропа́рь Пресвятой Богородице пред иконой Ея  
«Феодоровской», глас 4

Прише́ствием честны́я Твоея́ ико́ны, Богоотрокови́це,/  
обра́дованный днесь Первопресто́льный град  
Москва,/  
я́коже дрѣвний Изра́иль к киво́ту Завета,/  
притека́ет ко изображе́нию лица́ Твоего́/ и

воплотившагося от Тебѣ Бога нашего,/ да Твоимъ  
Матернимъ к Немѹ представительствомъ/ прѣсно  
ходатайствуеши всемъ,/ под сень кровъ Твоего  
прибѣгающимъ, // миръ и велию милость.

По тропарѣ ектенїи:

Помилуй насъ, Боже, по велицей милости Твоей,  
молимъ Ти ся, услыши и помилуй.

Ликъ: Господи, помилуй, трижды.

Еще молимся о великомъ господине и отце нашемъ  
Святѣйшемъ Патриархе Кириллѣ и о всей во Христѣ  
братии нашей.

Ликъ: Господи, помилуй, трижды.

Еще молимся о богохранимѣй странѣ нашей, властѣхъ и  
воинствѣ ея, да тихое и безмолвное житїе проживѣмъ во  
всякомъ благочестїи и чистотѣ.

Ликъ: Господи, помилуй, трижды.

Еще молимся о милости, жизни, мирѣ, здравїи,  
спасѣнии, посещѣнии, прощѣнии и оставленїи грѣховъ  
рабовъ Божиихъ ѡмя рекъ.

Ликъ: Господи, помилуй, трижды.

Еще молимся Тебѣ, Господу Спасителю нашему, о  
еже прияти молитвы насъ недостойныхъ рабовъ Твоихъ в  
сию годину испытанїя, пришедшую на Русь Святую,  
обышедше бо обыдоша ю врази, и о еже явити

спасение Твое. Рцем вси, Господи, услыши и помилуй.

Лик: Гóсподи, помíлуй, трíжды.

Еще молимся о еже благосердием и милостию призрети на воинство и вся защитники Отечества нашего, и о еже утвердити нас всех в вере, единомыслии, здравии и силе духа. Рцем вси, Господи, услыши и милостивно помилуй.

Лик: Гóсподи, помíлуй, трíжды.

Ещё мо́лимся за всю бра́тию, и за вся христиа́ны.

Лик: Гóсподи, помíлуй, трíжды.

Возглас: Услы́ши ны, Бо́же Спаси́телю наш, упова́ние всех конце́в земли́ и су́щих в мо́ри далече, и ми́лостив, ми́лостив бу́ди, Влады́ко, о гресéх на́ших и помíлуй ны. Ми́лостив бо и человеколю́бец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

Лик: Амíнь.

### **По ектений иерей чтет моли́тву:**

О, Пресвятáя Влады́чице Богородице и Присноде́во Мари́е, еди́ная Наде́ждо нам, грéшным, к Тебе́ прибега́ем и Тебе́ мо́лим, я́ко ве́лие имаши дерзнове́ние пред ро́ждшимся от Тебе́ по плóти Гóсподом Бо́гом и Спаси́телем на́шим Иису́сом Христóм. Не прéзри слез на́ших, не возгнуша́йся воздыха́ний на́ших, не отрини скóрби на́шей,

не посрамí упováния на́шего на Тя, но Материнскими молéнии Тво́ими умоли́ Го́спода Бо́га, да сподо́бит нас грéшных и недостóйных свободíтися от грехóв и страстéй душéвных и телéсных, умрéти мíру и жíти Емú Едíному во вся дни животá на́шего. О, Пресвятáя Влады́чице Богорóдице, путешéствующим спутешéствуй и огражда́й и охраня́й о́ныя, избáви пленéнных от пленéния, свободí стра́ждущих от бед, утéши сущих в печáли, скóрбех и напáстех, облегчи́ нищету́ и всяко злострадáние телéсное и дáруй всем вся потрéбная к животу́, благочéстию и жízни врéменной. Спаси́, Госпоже Владычице, предстательством Твоим Богохранимую страну нашу Российскую от нахождения иноплеменных, чающих разделить и погубити единый народ ея. Воины и вся защитники Отечества нашего в заповедях Твоих утверди, крепость духа им ниспосли, от смерти, ран и пленения сохрани. Не остави их и нас Твоею небесною помощью и Твоим неизреченным милосердием и щедротами, спаси и помилуй всех нас, в скорби и печали сущих. Отврати гнев Божий, праведно на ны движимый. Дáруй нам врéмя на покая́ние и обращéние, избáви нас от внеза́пныя смéрти и во врéмя исхо́да на́шего предста́ни нам я́вльшися, Дéво Богорóдице, и избáви нас от воздушных мыта́рств князей вéка сегó, сподо́би на Стра́шнем Суди́щи Христóвом ста́ти одесну́ю и соде́лай нас снаслéдники вéчных благ, да сла́вим во вéки великолéпое íмя Сы́на Твоего́ и Бо́га на́шего со Безнача́льным Его́ Отце́м и Святы́м и Благíм и

Животворящим Его́ Духом, ны́не и прѣсно и во ве́ки веко́в. Ами́нь.

Посѣм поѣтся велича́ние.

Диакон: Премудро́сть.

Иерей: Пресвята́я Богоро́дице, спаси́ нас.

Лик: Честне́йшую Херувѣм и сла́внейшую без сравне́ния Серафѣм, без ислѣ́ния Бо́га Сло́ва ро́ждшую, су́щую Богоро́дицу Тя велича́ем.

Иерей: Сла́ва Тебе́, Христе́ Бо́же, упова́ние на́ше, сла́ва Тебе́.

Лик: Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь. Го́споди, поми́луй, трѣ́жды. Благослови́.

Иерей отпу́ст: Воскресый из мертвых Христо́с Истинный Бог наш, моли́твами Пречи́стыя Своея́ Ма́тере, преподо́бных и богоно́сных оте́ц на́ших, (и́мя рек свята́го, дня ему́же моле́бен), и всех свята́х, поми́лует и спасе́т нас, я́ко Благ и Человеколю́бец.

Лик: Ами́нь.